



REPUBLIKA E SHQIPERISE
PREFEKTI I QARKUT ELBASAN
SEKTORI I MONITORIMIT TË KOMPETENCAVE VENDORE DHE
FUNKSIONEVE TË DELEGUARA

Nr. 170/9 prot.

Elbasan, më 11.2.2026

Lënda: Konfirmim akti.

KËSHILLIT TË BASHKISË LIBRAZHD

Në zbatim të nenit 16 të ligjit Nr.107/2016 dt.27.10.2016 "Për Prefektin e Qarkut", pasi u verifikua ligjshmëria e aktit tuaj Nr.3 Datë 30.01.2026, " Plani i Sigurisë Publike 2026-2027 në Bashkinë Librazhd", konfirmojmë në parim mbështetjen e tij në ligj.

P R E F E K T I

Ilir BEJTJA



170
04.3.2026



REPUBLIKA E SHQIPËRISË
BASHKIA LIBRAZHD
KËSHILLI BASHKIAK

VENDIM

Datë.03.02.2026

Nr.681/prot

Nr.3 dt.30.01.2026

PLANI I SIGURISË PUBLIKE 2026–2027 BASHKIA LIBRAZHD

Bazuar në Ligjin nr. 139/2015 “Për vetëqeverisjen vendore”, Ligji 125/2020 “Për disa shtesa dhe ndryshime në ligjin nr.9669, datë 18.12.2006 “Për masa ndaj dhunës në marrëdhëniet familjare”, i ndryshuar Ligji 124/2020 “Për disa shtesa dhe ndryshime në Ligjin Nr.221/04.02.2010 për mbrojtjen nga diskriminimi” dhe VKM nr. 334, datë 17.02.2011, mbi Mekanizmin e Koordinuar të Referimit për dhunën në familje, Ligjin nr. 45/2019 “Për mbrojtjen civile”, Sekretariati Teknik i KVSP paraqet Planin e Veprimit të Sigurisë Publike 2026–2027. Plani i Sigurisë Publike i Bashkisë Librazhd synon të adresojë nevojat dhe të drejtën e qytetarëve për një mjedis të sigurt, të forcojë strukturat vendore përgjegjëse dhe të përmirësojë shpërndarjen, cilësinë dhe llojshmërinë e ndërhyrjeve të sigurisë, duke rritur ndjesinë e sigurisë dhe besimin publik. Plani është hartuar përmes një procesi konsultimi me përfaqësues të institucioneve vendore, Policinë e Shtetit, strukturat e emergjencave civile, shoqërinë civile, ofruesit e shërbimeve dhe grupet në nevojë, për të garantuar një vlerësim sa më afër nevojave reale dhe mundësive për t’i adresuar ato nga aktorë të ndryshëm. Këshilli Bashkiak I mbledhur sot me date 30.01.2026 dhe propozim të Kryetarit të Bashkisë Librazhd;

V E N D O S I:

1. Të miratojë ne parim “Planin e Veprimit 2026–2027 të Këshillit Vendor të Sigurisë Publike (KVSP) të Bashkisë Librazhd”, si dokument orientues për objektivat, masat, përgjegjësit dhe afatet në fushën e sigurisë publike në territorin e bashkisë.
2. Të ngarkohen për zbatimin e këtij plani Sekretariati Teknik dhe strukturat përkatëse të Bashkisë Librazhd, në bashkëpunim me institucionet dhe te gjithë aktoret , sipas kompetencave ligjore.
3. Ky vendim hyn në fuqi 10 ditë nga miratimi në Këshillin Bashkiak dhe publikohet në faqen zyrtare të Bashkisë Librazhd.

SEKRETAR I KËSHILLIT
Elson MALLUTA

ZV/KRYETARE E KËSHILLIT

Silvana HOXHA



q/vendimi
51 = 3



**REPUBLIKA E SHQIPERISE
BASHKIA LIBRAZHD**

PROJEKT - VENDIM

Nr..... datë

PLANI I SIGURISË PUBLIKE 2026–2027 BASHKIA LIBRAZHD

Bazuar në Ligjin nr. 139/2015 “Për vetëqeverisjen vendore”, Ligji 125/2020 “Për disa shtesa dhe ndryshime në ligjin nr.9669, datë 18.12.2006 “Për masa ndaj dhunës në marrëdhëniet familjare”, i ndryshuar Ligji 124/2020 “Për disa shtesa dhe ndryshime në Ligjin Nr.221/04.02.2010 për mbrojtjen nga diskriminimi” dhe VKM nr. 334, datë 17.02.2011, mbi Mekanizmin e Koordinuar të Referimit për dhunën në familje, Ligjin nr. 45/2019 “Për mbrojtjen civile”, Sekretariati Teknik i KVSP paraqet Planin e Veprimit të Sigurisë Publike 2026–2027. Plani i Sigurisë Publike i Bashkisë Librazhd synon të adresojë nevojat dhe të drejtën e qytetarëve për një mjedis të sigurt, të forcojë strukturat vendore përgjegjëse dhe të përmirësojë shpërndarjen, cilësinë dhe llojshmërinë e ndërhyrjeve të sigurisë, duke rritur ndjesinë e sigurisë dhe besimin publik. Plani është hartuar përmes një procesi konsultimi me përfaqësues të institucioneve vendore, Policinë e Shtetit, strukturat e emergjencave civile, shoqërinë civile, ofruesit e shërbimeve dhe grupet në nevojë, për të garantuar një vlerësim sa më afër nevojave reale dhe mundësive për t’i adresuar ato nga aktorë të ndryshëm. Këshilli Bashkiak i Bashkisë Librazhd, pasi shqyrtoi materialet shoqëruese dhe propozimin e Kryetarit të Bashkisë,

V E N D O S I:

1. Të miratojë ne parim “Planin e Veprimit 2026–2027 të Këshillit Vendor të Sigurisë Publike (KVSP) të Bashkisë Librazhd”, si dokument orientues për objektivat, masat, përgjegjësit dhe afatet në fushën e sigurisë publike në territorin e bashkisë.
2. Të ngarkohen për zbatimin e këtij plani Sekretariati Teknik dhe strukturat përkatëse të Bashkisë Librazhd, në bashkëpunim me institucionet dhe të gjithë aktorët , sipas kompetencave ligjore.
3. Ky vendim hyn në fuqi 10 ditë nga miratimi në Këshillin Bashkiak dhe publikohet në faqen zyrtare të Bashkisë Librazhd.

Sekretariati Teknik
Rexhep Shaka

Kryetari i Bashkisë
Mariglen Disha



REPUBLIKA E SHQIPERISE
BASHKIA LIBRAZHD

Relacion për

Miratimin e Planit të Veprimit 2026-2027 të Këshillit Vendor të Sigurisë Publike
(KVSP) në Bashkinë Librazhd

Të nderuar këshilltarë,

Plani i Veprimit 2026-2027 i KVSP-së mbështetet në Kushtetutën e Republikës së Shqipërisë dhe Ligjin nr. 139/2015 "Për vetëqeverisjen vendore", i cili përcakton kompetencat e bashkive për ofrimin e shërbimeve komunitare, ruajtjen e rendit dhe bashkërendimin ndërinstitucional në territor. Bashkëpunimi me Policinë e Shtetit bazohet në Ligjin nr. 82/2024 "Për Policinë e Shtetit" dhe aktet nënligjore për policimin në komunitet. Menaxhimi i emergjencave civile udhëhiqet nga Ligji nr. 45/2019 "Për mbrojtjen civile". Parandalimi dhe menaxhimi i dhunës në familje mbështetet në Ligjin nr. 9669/2006, i ndryshuar, dhe VKM nr. 334, datë 17.02.2011 mbi Mekanizmin e Koordinuar të Referimit (MKR).

Bashkia Librazhd ka ngritur dhe funksionalizuar KVSP-në, me bashkërendim ndërinstitucional mes bashkisë, Policisë së Shtetit, institucioneve arsimore e shëndetësore, shërbimeve sociale, gjyqësorit, zjarrfikëses, si dhe aktorëve të shoqërisë civile, rinisë dhe biznesit lokal. Ndërveprimet e deritanishme kanë identifikuar nevoja për: (i) rritje të koordinimit praktik në terren; (ii) parandalim proaktiv të rreziqeve prioritare (siguria rrugore, mjediset arsimore, dhuna në familje, fatkeqësitë natyrore); (iii) kanale të aksesueshme raportimi dhe komunikim publik; (iv) sistematizim të të dhënave për vendimmarrje dhe llogaridhënie.

Plani është përgatitur duke patur si parime udhëheqëse:

- Qasje gjithëpërfshirëse dhe e bazuar në prova.
- Bashkëpunim shumë-aktorësh (bashkia, policia, institucionet publike, shoqëria civile, komunitetet).
- Barazia gjinore dhe përfshirja (përdorim dhe raportim i të dhënave të ndara burra/gra; të rinj/të rritur; grupe të cënueshme).
- Transparencë dhe llogaridhënie ndaj qytetarëve.